

ash nūshim gun houyūt, ā na lihakhokshin shim da na gigengwaklthūt;

17 Dum wil wāsh ga Shimoigiatk gish ga Miyānum gut Jesus Christ ga, Nagwātsh ga lthaumshk gaga dumt ginam haigum wilgaushk gut a gwa-shim, dilt dūm wil ālūdā'antk gish ga gunwilaigilsh gish ga wila wālt ga :

18 Altha sha goiba ga gazilzal ga-gaud shimt; a ma dum shim wil wilai gau na bōishk gish ga na gunt hūkhūtk gashimt, dilt gau ga shga wilēksh ga na hoishk gut gish ga wil kshāt gish ga amāmt ga,

19 Dilt gau shaqultha wāltk gish ga na gutgiat gā gum gū ga shimhou-diksha dit, niwālt ga wilashga halth-alsh ga na gutgiatsh ga na gutgiat ga,

20 Gū ga na wila halthalsht gish Christ n'dat gik dōlshint gish ga wātk gut gish ga shpagait dūit ga, adat dhā dit gish ga nakshimyāont gish ga laklakāga,

21 Wagait galakā da tkāni tāgauga dit, dilt algiagushk gut, dilt gut-giadit, dilt na halthalsha shimoigia-dit, dilt tkāni wā gūt ataitk ga dit, aina amuksha halizoga gwai, yagai gik nini n'tkulān dit :

22 Ada lthat dau tkāni gau da lthū gashashit dit at kshgēagun dit, adat ginamt gish ga dum dumgousha tkāni gau dish niat ā Churchit,

23 Gū ninish ga tkānaut ga gū ga na wil holtk gish niat ga, gūt in gup tka hon tkānit.

CHAPTER II.

1 Adat nūshim (nha sha dildōlsha dit) n'da dū shim da shpagait na gishgish dilt na hadadāk ga shimt;

2 Gū nha lūliāk ga shimt niwālda gup wilalau halizoga gwai, niwālda wā na miyān na gutgiada ha't, ā haigut gū halthalsha dit gāōn a na klthgū gigiaushk gut :

3 Gū nini di tkānish nūgum nha di wil dildōlsha dida shpagait n'n'nū'um-zuksha na gashamemt ā dup hūkwā'an nahagaum shamet, dilt gaudit; ada gup na amgait yagatkā-wāltk-gum da klthgū lthū'undi da gum, niwālda wālt tkāni dit.

4 Ada al Shimoigiat ga Lakāga gū wilēkshum di gumgaudit ga, āwil wilēkshum shiebunshk gut gut has-hiebunum ga,

5 A zō ashī dū'um da na shpagait gishgishum nini tin shila dildōlshanum gish Christ, (ām na hadilamautksha shimt;)

6 Adat shila gik nhanianum gish niat adat shilwa'anum gish niat ash ga zum laklakāga a nish Christ Jesus ga :

7 Dumt wil gūgwuniazun ga za haweani gū na wilēkshum amawāsh ga na āmt ga a amagiat gā gum ash ga ninish Christ Jesus ga.

8 Awil ām ltha hadilamautksha shimt a shimhoudiksha gunwāl; ada althga lip wātk ga dish nūgum gū gwa: yagai kshaginamash ga Shimoigiat ga Lakāga :

9 Althga hakhalthalsha za wil wātk gut, dum wil wha kshiyāwuksh ligit nā.

10 Awilt nūgum ga na halthal dit, nha zipzapeha dash Christ Jesus ā dum ama halthalsht, gū nha gwildum gou'unshk ga Shimoigiat ga Lakāga ā dēp dum lūliyāk a dit.

11 Ninilth ma gun shim a'abugut, gūt nūshim nha Gentilesa dit ā shamet, gū shūwāda circumcison dalth wha-circumcison ā shamet zaba ga'anont;

12 Gū nini n'da kshagialukshim dash Christ ā lukshgigiat shim da na giansh Israel, ada shim wagait lukshzipzap shim dash ga mila akanaugushkgum ēshk gaga, a althga di shgūlth dum nabōishk ga shim, dilt na ma